

Objectiu : 100 donators tà 2 emplecs !

Aquesta setmana, qu'avem arrecebut a l'Ostau un aperet de la Calandreta deu Lis qui ei en cèrca de moneda. Que'vs perpausam d'ac léger :

« Desempuish 2002, l'escòla Calandreta deu Lis qu'assegura duas missions de servici public : la de l'ensenhament e la de la transmission de la lenga occitana (ací dens la soa varianta biarnesa). L'escòla qu'ei devath contracte dab l'estat, las regentas titulàrias que son donc pagadas per l'Educacion nacionau. La Calandreta que recèu tanben un sostien hòrt de la comuna deu Lys. Las ajuda-mairaus que son per contra a la carga de l'escòla.

Que son indispensablas peu sostien aus aprenedissatges mes tanben entà assegurar ua guarderia, de non pas mancar en mitant rurau. Lo lor ròtle qu'ei tot autant important entà ajudar los mainats tà la cantina.

Entà perenizar aquestes dus emplecs e paliar au desengatjament de l'Estat au par deus emplecs ajudats, siam 100 donators a mobilizar-nos.

100 personas qui balhan 10 € per mes que'ns permeterà de collectar 12 000 € per an. Ua soma entà har viver aquestes dus emplecs.

Ua soma qui permet de concentrar cap au materiau e a las activitats pedagogicas la moneda amassada peus parents au parat de las manifestacions diversas. »



Que podetz telecargar l'aperet en clicar [ací](#).

Que i trobaratz tanben dus bulletins de sostien s'avetz enveja d'ajudà'us.